



JU Osnovna škola „Umihana Čuvidina“

Broj 35.

Ađul

Intervju sa ...

Posjete

Takmičenja...



Predstavljamo maturante

Radovi naših učenika

Sportske aktivnosti

JU OŠ "Umihana Čuridina" Sarajevo
Ađul—školski časopis

Urednici

Članovi Novinarske sekcije:

Peljto Adna
Isaković Erna
Gerin Ajla
Hadžiahmetović Lamija
Djedović Džejla
Rahman Alejna
Homarac Alma
Hodžić Armela
Muslim Džena
Ilić Andrea

Voditelji Novinarske sekcije

Sabina Alilović

Samira Bojadžija

Tehnička obrada:

Sabina Alilović

E-mail: umihanac@bih.net.ba

Intervju sa direktoricom škole, Amelom Kazazić

Članice Novinarske sekcije Peljto Adna i Hadžiahmetović Lamija intervjuisale su direktoricu naše škole, Amelu Kazazić.



Adul: Gospođo direktorice, da li ste zadovoljni novim radnim mjestom?

Naravno. Najvažnije od svega je da su učenici zdravi, sretni i nasmijani. To predstavlja zadovoljstvo moje funkcije.

Adul: Jesu li ispunjena vaša očekivanja ili ste suočeni sa nekim neočekivanim izazovima na novoj poziciji?

S obzirom da sam četiri godine bila pomoćnica direktora, spremno sam dočekala sve izazove ove funkcije.

Adul: Izgradnja nove dvorane dobro napreduje. Mozete li predvidjeti završetak radova?

Veoma simpatično pitanje. ☺

Izgradnja dvorane veoma brzo napreduje, a svakodnevno pratim i uživam u svakom novom djeliću koji se sagradi. Predvidjeti ne mogu, ali se nadam da ćemo veoma brzo uživati i imati modernu, savremenu školu i sportsku dvoranu. Sigurna sam da ćemo tek tada imati još bolje rezultate, nego što smo ih imali do sada.

Adul: Odlazi nam još jedna generacija maturanata. Da li ste zadovoljni rezultatima postignutim u toku njihovog devetogodišnjeg školovanja?

Veoma sam zadovoljna. Svaka naša generacija je priča za sebe. To su naši učenici koje pratimo devet godina. Radujemo se zajedno njihovim uspjesima ali i saosjećamo u njihovim lošim trenucima. Svi smo mi jedna velika porodica.

Adul: Ovu školsku godinu su obilježila mnoga takmičenja. Da li ste zadovoljni postignutim rezultatima?

Ponosna sam na naše učenike. Na svim poljima smo postigli odlične rezultate. Kako na općinskim, kantonalnim, tako i na federalnim takmičenjima iz znanja, ali i na sprotskim takmičenjima. Ove godine imali smo učenika koji je osvojio 8. mjesto na Juniorskoj olimpijadi iz matematike.

Adul: Kako Vi vidite budućnost naše škole?

Moja vizija je:

- **Zadržati i unaprijediti već postojeće kvalitete, kao što je odgojno-obrazovna strategija, nastava zasnovana na interaktivnim principima i drugim savremenim pristupima nastavi, usmjerene na dijete.**
- **Pružat ćemo osjećaj sigurnosti, saradničko ozračje i kvalitetnu komunikaciju u interesu zajedničkog napretka škole i zajednice.**
- **Stvarat ćemo uvjete u kojima nastavni kadar samostalno, stručno i odgovorno može obavljati svoj posao bez stresnih situacija iz čega će proizaći njihovo rasterećenje i oslobođanje kreativnosti u radu.**
- **Na taj način stvaramo poticajnu atmosferu, bez konflikata u kojoj je interes zadovoljen:**
 - **Učenik koji rado dolazi u školu i shvaća je kao lično dobro i korist,**
 - **Zadovoljan roditelj, a sve to je posljedica poticajnog učitelja.**

Prvačići

SVEČANI PRIJEM PRVAČIĆA

U pondjeljak, 03.09.2018. godine upriličen je svečani prijem za novu generaciju prvačića.

Srdačan doček našim novim đacima i njihovim roditeljima priredili su stariji drugari uz prigodan i zanimljiv program, nakon čega im je dobrodošlicu poželio i direktor škole.

Nadamo se, da će ova generacija biti jednako uspješna kao i sve prethodne, da će nas obradovati osvojenim medaljama i nagradama na takmičenjima, te da će ime škole promovirati u najboljem svjetlu.

**Neka vam je sretno i uspješno,
dragi naši prvačići!**



EKSURZIJA

Včenici završnog razreda, u pratnji razrednika i direktora škole u periodu od 9.9. do 13.9. su bili na ekskurziji u Neumu.

U okviru ekskurzije posjetili su spomen kompleks „Bitka na Neretvi“

u Jablanici“, stari dio grada Mostara i Počitelja, te Makarsku.



Obilježavanje značajnih datuma 1

26. GODIŠNICA FORMIRANJA DRUGE VITEŠKE MOTORIZOVANE BRIGADE

Historijskim časom, učenjem Fatihe i poslaganjem cvijeća na spomen-obilježje ispred Osnovne škole „Umihana Čuvidina“ 25. septembra obilježena je 26. godišnjica formiranja Druge viteške motorizovane brigade i 10. godišnjice Udruženja. Povodom tog obilježavanja, na stadionu „Braća Kadić“, Boljakov Potok održan je deseti tradicionalni malonogometni turnir „Memorijal 2. viteška brigada“ u kojem su uzeli učešće učenici VII razeda naše škole.






Sportske aktivnosti

MALONOĞOMETNI TURNIR U ZNAK SJEĆANJA NA POGINULU BORCE I ŠEHIDE OPĆINE NOVI GRAD Učenici sedmog razreda naše škole učestvovali su na memorijalnom malonogometnom turniru "Šehidima i poginulim borcima Novog Grada", koji je održan u sportskoj dvorani "Ramiz Salčin" na Mojmilu.



TURNIR U KOŠARCI ZA DJEČAKE U sklopu završne općinske mini lige koja se realizira u povodu obilježavanja 41. godišnjice od osnivanja Općine Novi Grad Sarajevo, čijem otvaranju su prisustvovali predstavnici Općine Novi Grad Sarajevo, direktori i nastavno osoblje novogradskih škola, učenici i drugi gosti, u sportskoj dvorani OŠ „Anekš“ održan je turnir u košarci za dječake novogradskih osnovnih škola.





Sportske aktivnosti

III MEMORIJALNI MALONOGOMETNI TURNIR „NEDIM ŠKAMO“ U znak sjećanja 84 šehida – poginula malošjetna borca Armije i MUP-a RBiH – Općine Novi Grad, 01.10.2018. godine, u sportskoj dvorani „SRCE“, organizovan je III Memorijalni malonogometni turnir „NEDIM ŠKAMO“ na kojem je uzela učešće i naša ekipa učenika IX razreda.



ODBOJKAŠKI TURNIR Povodom obilježavanja Dana Općine Novi Grad Sarajevo u sportskoj dvorani Osnovne škole „Mustafa Busuladžić“ u Dobroševićima održan je dvodnevni turnir u odbojci za 2018. godinu u okviru ženske odbojkaške lige novogradskih škola. Na prvom općinskom odbojkaškom takmičenju nastupile su učenice iz 15 novogradskih škola, njih 225 koje su branile boje svoje škole.



Sportske aktivnosti

ZVIJEZDA STREET FOOTBALL 2019 Zavšen je „Zvijezda Street Football 2019“, osmi turnir u malom fudbalu/nogometu za osnovce, koji je održavan 18.-20.05.2019. godine, ispred BBI Centra. Nakon odigranih 76 mečeva dobili smo i pobjenike u svim konkurenциjama. KONKURENCIJA DO 5. RAZREDA ZA 3. MJESTO: O.Š. UMIHANA ČUVIDINA - O.Š. ISAK SAMOKOVLIJA 8:0 KONKURENCIJA DO 7. RAZREDA FINALE: O.Š. AVDO SMAILOVIĆ (kap. Kadrić) - O.Š. UMIHANA ČUVIDINA 2:1 Ekipa do petog razreda je osvojila 3. mjesto, ekipa do sedmog razreda je osvojila 2.mjesto. Na glasanju na FB grupi, osvojili smo najviše glasova



Dan učitelja

Svjetski dan učitelja obilježava se svake godine 5. oktobra.

Ovim danom ukazuje se na to koliko je za razvoj društva bitan rad učitelja i nastavnika.

<http://on.fb.me/1aAiRDw>

Što čini dobrog učitelja ?

A cartoon illustration of a teacher bird wearing glasses and a tie, standing on a small branch. Seven blue thought bubbles emanate from its head, each containing a quality of a good teacher:

- ima dobar smisao za humor/ osmehuje se
- pravedan je i discipliniran
- ljubazan/ strpljiv je
- inteligentan je/ poznaje svoj predmet
- daje dobar primjer
- ne odustaje/ vjeruje u svakog učenika
- uvijek pomaže ljudima koji imaju problema
- potiče, nagradjuje ili dodjeljuje bodove. Uvijek kaže „Izvrsno!“

Projekt IPA IPA4.1.3.1.06.01-007
Europska unija Iz Europskog socijalnog fonda

Takmičenja 1

TAKMIČENJE U LIKOVNIM I LITERARNIM RADOVIMA NOVA VITA

U organizaciji Nova Vita organizovano je takmičenje u likovnim i literarnim radovima za učenike od I do V razreda.

Učenici II-5 razreda: Nur Halil Dedić ,Emina Duraković i Adin Peljto

i učenici V-1 razreda: Hajdarević Najda, Mulić Amina ,Kokor Nejla Osvojili su nagrade i poklone za svoja odjeljenja.



UPOZORAVANJE NA OPASNOST OD MINA

U subotu, 03.11.2018.godine u OŠ „Mehmedalija Mak Dizdar“ održano je XXII općinsko takmičenje učenika osnovnih škola iz programa „Upozoravanje na opasnost od mina“ u organizaciji Crvenog križa/krsta Novi grad Sarajevo.Predstavnice naše škole bile Iman Alilović, Sumeja Arnaut i Amina Muslim.





Naši mali ambasadori 1

Veljan Anur, Bajramovic Nejla i Cibra Emela
članovi FK Novi Grad -1. mjesto na BH
ZIMSKOM KUP-u



Dinel Hamzić je jedan od najmlađih IT stručnjaka sa Microsoft Certified Solutions Associate titулом na svijetu.

Ajla Serhatlić 2. treće mjesto na međunarodnom karate kupu.



Suana Tucaković - prvo mjesto na državnom prvenstvu BiH do 16 godina



Domovino, sretan ti rođendan

Dana

23.11.2018. godine, održana je svečana priredba u izvedbi naših učenika povodom obilježavanja 25. novembra, Dana državnosti BiH. Učenici su uz bogat kulturno-zabavni program izrazili ljubav prema svojoj domovini Bosni i Hercegovini i na najljepši način obilježili ovaj značajan historijski datum.





Naši mali ambasadori 2

☆ Hodžić Umma je državni prvak u kategoriji HipHop-Solos female-Kids.

1. Mjesto na Internacionalno takmičenje u plesu INTER DANCE FEST-u
Čestitke Ummi i njenom treneru.



☆ Danin Hadžiavdić II-1 osvojio je 1. mjesto na „Quickie Festivalu dječijeg fudbala“, u mini takmičenju dječaka u žongliranju lopte.



Posjete

Posjeta Žemaljskom muzeju – IV i V razred



Posjeta Memorijalnom centru Potočari i Srebrenica – IX razred



U posjeti institucijama kulture – VII razred



Posjete

Posjeta kinu Cinema City – II, III i IV razred:



Posjeta kinu Općine Novi grad - I razred:



Posjeta Sportsko.rekreativnom centru „Safet Zajko“- V razred:



Predstavljamo maturante

GENERACIJA 2018/2019.



IX-1 sa razrednicom Sanelom Bojadžija:

Alihodžić Minela, Bahtanović Eman, Bešlić Lejla, Ćatić Tarik, Čaušević Ilma, Cibra Hanan, Delić Hanna, Divović Amar, Đuliman Ališa, Duljević Abdulah, Duljević Aida, Hamzić Dinel, Hamzić Nejra, Hušić Faruk, Kadušić Faris, Krako Emila, Nezirević Abdin, Pecikoza Dženana, Planja Adna, Ramić Amina, Redžović Almin, Redžović Husein, Šehić Amila, Sofović Elmedin, Tinjak Nejra, Zulfic Ilma



IX-2 sa razrednicom Jasminom Slatina-Sućeska :

Andrić Anadi, Čavkušić Anel, Đedović Anes, Hodžić Kerim, Jejna Amar, Kalača Sumeja, Karić Inela, Kolašinac Omar, Kulić Zerina, Kurtić Tarik, Lukovac Ena, Maslo Hana, Mujan Adalet, Osmanspahić Elzira, Peljto Amila, Peštek Hena, Poturak Minela, Rizvo Adin, Sadiković Selma, Šahinović Adna, Šetkić Kanita, Smječanin Mirza, Velić Amar





IX-3 sa razrednicom Ševalom Hukara :

Alajim Anesa ,Čakar Emil, Cibra Aner ,Čusto Amna , Djedović Džejla, Duraković Ilhana, Fehrić Mirnes, Fejzić Nedim,Gerin Ajla, Hadžiahmetović Lamija, Hodžić Nedim, Imeri Džemal,Isaković Erna,Karić Ahmed ,Masleša Irnel,Mulić Faris,Ostojić Sanin,Peljto Adna, Pripo Amar, Salihagić Muhammed, Sekulić Ivona, Serdarević Nedim, Turković Arijana



IX-4 sa razrednicom Elmom Botulja:



Bajramović Bakir, Čano Bakir,Čavrk Adna,Cero Rijad,Ćuprija Emir, Dacić Arefat,Dizdarević Nejla, Hajdarević Faris, Halilović Džejna,Hodžić Ahmed,Hodžić Ajla , Hota Faris, Kolar Sajra,Kolašinac Ajna,Lemezan Anel,Manjgafić Ajdin,Mujkić Salem, Mulaosmanović Eldar, Musić Hamza ,Oruč Rijad, Ramić Semina, Repuh Hana, Selmanović Faruk, Smajić Suana

NASTAVA IZ VJEĆIONICE

☆ ŠKOLA PLIVANJA

Škola plivanja za učenike 4. razreda je i ove školske godine organizovana na Olimpijskom bazenu Otoka. Odjeljenja 4. razreda prošli su obuku plivanja u novembru.



☆ ŠKOLA U PRIRODI

Škola u prirodi program je višednevne terenske nastave za učenike 4. razreda osnovnih škola. U mjesecu decembru učenici su boravili u Šabićima uživali su u igrama na čistom zraku, naučili o reljefu, klimi, biljkama i životinjama karakterističnim za taj kraj.



NASTAVA IZVAN UČIONICE

★ ŠKOLA PLANINARSTVA

Dana 13.10.2018. godine realiziran je prvi dan škole planinarstva za učenike VII1 odjeljenja. Učenici sa svojim nastavnikom Muminović Edinom su na Crepoljskom. Realizovana je praktična nastava na terenu.



Dana 20.10.2018. godine učenici VII2 odjeljenja su posjetili Trebević



NASTAVA IZVAN UČIONICE

☆ŠKOLA SKIJANJA

Realizacija projekta "Škola skijanja" za sve učenike šestih razreda osnovnih škola u organizaciji Ministarstva za obrazovanje, nauku i mlade Kantona Sarajevo započela je danas i trajat će od 04.02.2019. godine do 15.03.2019. godine




Umjetnost i tradicija



Šehović Aila VIII 2



Kolar Saira IX 4



Kolar Saira IX 4



Katana Merjem VII 3



DAN NEZAVISNOSTI BOSNE I HERCEGOVINE

V četvrtak, 28.02.2019. godine, u prostorijama naše škole, svečanom priredboom je obilježen Dan nezavisnosti Bosne i Hercegovine.

Včenice i učenici naše škole, članovi sekcija, zajedno na sceni, uputili su poruke mire, jedinstva i ljubavi prema domovini.





Srešan Dan žena



Takmičenja 2

OPĆINSKO TAKMIČENJE IZ INFORMATIKE ZA ŠKOLSKU 2018./2019. GODINU Dana 11.03.2019. godine s početkom u 09:00 sati u OŠ „Aleksa Šantić“ održano je općinsko takmičenje iz Informatike za učenike novogradskih škola za školsku 2018/2019. godinu.

Iako su, u skladu sa propozicijama, naši učenici osvojili na 4.mjesto, s obzirom na ukupan broj bodova, oni dijele 2.mjesto sa drugoplasiranim i trećeplasiranim ekipama sa ukupno 75 bodova.

★OPĆINSKO TAKMIČENJE UČENIKA VII, VIII I IX RAZREDA NOVOGRADSKIH OSNOVNIH ŠKOLA IZ FIZIKE U ŠKOLSKOJ 2018./2019. GODINE Dana 07.03.2019. godine s početkom u 09:00 sati u OŠ „Fatima Gunić“ održano je općinsko takmičenje iz fizike za učenike VIII i IX razreda

Mirnes Fehrić, učenik IX razreda u pojedinačnom plasmanu osvojio je 3. mjesto. U ukupnom plasmanu IX razreda naša škola se plasirala na 2. mjesto. U ukupnom plasmanu škola na općinskom takmičenju iz fizike školske 2018/2019. godine naša škola se plasirala na 3. Mjesto



★OPĆINSKO TAKMIČENJE UČENIKA VII, VIII I IX RAZREDA ★NOVOGRADSKIH OSNOVNIH ŠKOLA IZ MATEMATIKE

Dana 05.03.2019. godine s početkom u 09:00 sati u OŠ „Osman Nuri Hadžić“ održano je općinsko takmičenje iz matematike za učenike VII, VIII i IX razreda.

Asja Smječanin i Nejla Herac, učenice VIII razreda u pojedinačnom plasmanu dijele 2. mjesto. U ukupnom plasmanu VIII razreda naša škola se plasirala na 1. mjesto. U ukupnom plasmanu IX razreda naša škola se plasirala na 3. mjesto. U ukupnom plasmanu škola na općinskom takmičenju iz matematike školske 2018/2019. godine naša škola se plasirala na 3. mjesto.



★EDUKATIVNI KVIZ „ECO KIDS“ Projekat Edukativni kviz „Eco kids“ koji podržava Ambasada Sjedinjenih Američkih Država u Bosni i Hercegovini, a realizuje Udruženje građana „Ruke“ obuhvata takmičenje iz teorije i zanimljivih igrica iz oblasti ekologije za učenike sedmih razreda iz Kantona Sarajevo.

Učenici naše škole Jasmina Lolić, Selma Hasković i Edin Demcoj učestvovali su u kvizu u utorak 9.3.2019. godine i zauzeli 3. mjesto.



SNAGA DJECE

Tokom Evropske sedmice medijske pismenosti, od 18. do 22. marta, delegacije Evropske unije širom svijeta, zajedno sa pojedincima, zajednicama i partnerskim organizacijama, ističu potrebu za medijskom pismenosti. Učenici novinarske sekcije naše škole, zajedno sa učenicima osnovnih škola "Musa Ćazim Ćatić", i "Čengić Vila I", učestvovali su danas u EU info centru na radionici o medijskoj pismenosti "Prvi koraci sa medijima - napravimo svoje vlastite novine". Kao budućim novinarima, kreiranje vlastitih vijesti, izrada ilustracija i intervjuisanje im nije predstavljalo nikakav problem. Zajedničke novine "Snaga djece" sadrži njihove originalne članke i ilustracije!



Takmičenja 3

IZAZOV KLOKAN MATEMATIČAR 2019.

Dana, 21.3.2019. održan je Izazov Klokan Matematičar 2019 u Bosni i Hercegovini čiji je osnovni cilj promocija nauke, a naročito matematike. Ove godine u izazovu je učestvovalo preko 5000 učenika osnovnih škola, među kojima je iz naše škole učestovalo 75 učenika.

Učenici iz naše skole su učestvovali u 3 kategorije :

· PreEcolier - učenici 3.razreda, ·

Ecolier -učenici 4.i 5.razreda i ·

Benjamin - učenici 6.i 7.razreda. Najbolje rezultate po bodovima su ostvarili učenici šestog razreda : Eldar Šabanović, Okerić Imran, Rahman Alejna, Kurtović Faris i učenica 7.razreda Iman Alilović koji su dobili diplome za izvrsnost jer su se plasirali među 10% najboljih u svojoj kategoriji.

Takodjer učenici trećeg razreda: Asija Mujić, Nidal Suljagić, Eman Arnautović, Ema Dedić i Adi Vlajčić su se također plasirali među 10% najboljih u svojoj kategoriji pri čemu su dobili diplomu i zbirku zadataka iz matematike. Koordinator Klokan matematičara za našu školu je bila nastavnica Mirzeta Sofić - Maličević.



SVJETSKI DAN VODA I SVJETSKI DAN ŠUMA

Učenici naše škole dočekali su prvi dan proljeća obilježavanjem Svjetskog dana voda i Svjetskog dana šuma različitim aktivnostima na časovima biologije, prirode i moje okoline, kao i tematskom izložbom likovnih radova.



Takmičenja 4

DRUGO MJESTO NA KANTONALNOM TAKMIČENJU IZ MATEMATIKE

Na Kantonalnom takmičenju iz matematike, koje je održano u petak, 22.03.2019. godine u Osnovnoj školi "Maarif", naš učenik Fehrić Mirnes osvojio je 2. mjesto.



Mirnesu čestitamo i želimo mu puno upjeha na federalnom takmičenju,

koje će se održati na PMF Sarajevo, 13.04.2019. godine.

CIVITAS – 1. MJESTO NA OPĆINSKOM TAKMIČENJU

U subotu, 30. marta, u Petoj gimnaziji održano je općinsko takmičenje iz CIVITAS-a. Našu školu predstavljale su:

1. GRUPA

- Duraković Kaima i Bakal Samra

2. GRUPA

- Hasković Selma i Divović Naida

3. GRUPA

- Karić Ema i Udovčić Amna

4. GRUPA

- Halilović Mejrema i Hodžić Lamija

Čestitamo učenicama i nastavnici Sabaheti Kerović na osvojenom 1. Mjestu



Dan grada Sarajeva

Priča o Sarajevu: 6. april 1941. - 6. april 1945. - 6. april 1992.

Sarajevo danas obilježava svoj dan, Dan grada, 6. april.


Historijski arhiv Sarajevo objavio je zbog čega je ovaj datum značajan za naš grad:

6. april je više značan datum u historiji Sarajeva. Na taj dan 1941. Sarajevo je prvi put bombardovano od strane Wermachta, na isti dan 1945. su ga jugoslovenske partizanske jedinice oslobostile od fašističkog okupatora, a 6. aprila 1992. započela je opsada grada od strane bivše Jugoslovenske narodne armije, Vojske Republike Srpske i srpskih paravojnih formacija, koja je trajala 44 mjeseca.



MODUL MEMORIJE 2019

Dana, 08.04.2019.godine, u punoj Vijećnici svečano je otvoreno 24. izdanje Modula Memorije 2019. Ovogodišnji program Modul Memorije 2019. godine je završen muzičkim performansom profesora Mehmeda Bajraktarevića, u saradnji sa stručnim aktivom nastavnika/profesora muzičke kulture sa horovima osnovnih škola Kantona Sarajevu, koji broje skoro 900 djece. Ponosni smo što smo dio ovog projekta. Poruka djece sa kojom su se rastali gosti jeste: „Samo da rata ne bude“!



Takmičenja 5


FEDERALNO TAKMIČENJE IZ MATEMATIKE U subotu, 13. aprila 2019., održano je Federalno takmičenje iz matematike. Učenik Mirnes Fehrić osvojio je 6.mjesto i osigurao učešće na Juniorskoj matematičkoj olimpijadi BiH. Čestitke Mirnesu i njegovom nastavniku Hasi Hasanbegoviću. Želimo mu puno uspjeha u daljem radu i na takmičenjima.




NA KANTONALNOM TAKMIČENJU – CIVITAS 3.MJESTO U subotu, 13. aprila 2019. , održano je općinsko takmičenje iz CIVITAS-a sa temom „VIDEONADZOR NA DJEČIJIM IGRALIŠTIMA I SPORTSKIM TERENIMA“ . Učenice koje su učestvovali na takmičenju Duraković Kaima, Bakal Samra, Hasković Selma, Divović Naida, Karić Ema, Udovčić Amna, Halilović Mejrema i Hodžić Lamija osvojile su 3. mjesto. Za takmičenje ih je pripremala nastavnica Sabaheta Kerović. Čestitamo učenicama i nastavnici na ostvarenom plasmanu.



Umjetnost je hrana za dušu



Muzurović Aldin VII1



Imširvić Naida VII4



Grupni radovi učenika VII razreda

Takmičenja 6

☆20 SMOTRA TEHNIČKOG STVARALAŠTVA MLADIH OPĆINE NOVI GRAD-SARAJEVO 2019. Održana je 23.4.2019. u Osnovnoj školi "Mehmedalija Mak Dizdar". Učestvovalo je 16 škola sa Općine Novi Grad. Takmičenje se sastojalo iz TESTOVI ZNANJA IZ NASTAVE V,VI,VII,VIII i IX razreda i izložbenog dijela radova. Učenici koji su postigli značajne rezultate na ovom takmičenju su:

VI RAZRED - Šabanović Eldar - 3. mjesto

VII RAZRED - Hasković Selma - 1. mjesto

IX RAZRED - Mujkić Salem - 3. Mjesto



☆XXIV FEDERALNO TAKMIČENJE IZ FIZIKE ZA UČENIKE OSNOVNIH ŠKOLA U subotu, 27.04.2019. godine je u O.Š. "Safvet-beg Bašagić" u Novom Travniku održano je 24. Federalno takmičenje iz fizike za učenike osnovnih škola na kojem je učestvovalo 68 takmičara iz Unsko-sanskog, Tuzlanskog, Srednjobosanskog, Hercegovačko-neretvanskog, Zeničko-dobojskog kantona i Kantona Sarajevo. Učenik Mirnes Fehrić osvojio je 6. mjesto. Čestitke učeniku i njegovoj nastavničici Habibi Kulđija.



Obilježavanje značajnih datuma 2

NA DAN POBJEDE NAD FAŠIZMOM ODATA POČAST UBIJENOJ DJECI SARAJEVA

Kod Spomen-obilježja ubijenoj djeci opkoljenog Sarajeva 1992-1995. a povodom sjećanja na ubijenu djecu Sarajeva i Dana pobjede nad fašizmom, danas je održana manifestacija pod nazivom "A bili su samo djeca". Ovim povodom i Modul Memorije 2019. se zvanično zatvario s porukom mira i ljubavi koju šalju djeca, našu budućnost i budućnost naše domovine.



HISTORIJSKI ČAS POVODOM DANA POBJEDE NAD FAŠIZMOM

Povodom Dana pobjede nad fašizmom, danas je održan historijski čas, odana počast poginulim i položeno cvijeće na spomen-obilježje ispred škole.



DODJELA NOVČANIH NAGRADA I DIPLOMA NAJUSPJEŠNIJIM NOVOGRADSKIM UČENICIMA, POBJEDNICIMA OPĆINSKIH TAKMIČENJA

U petak, 10.05.2019. godine u vijećničkoj sali Općine Novi Grad Sarajevo, upriličena je svečana dodjela novčanih nagrada i diploma najuspješnijim učenicima novogradskih osnovnih škola koji su na općinskim takmičenjima ostvarili najbolje rezultate.

Učenici koji su dobili novčane nagrade iz naše škole su:

Asja Smječanin, matematika 2. mjesto ·

Nejla Herac, matematika 2. mjesto ·

Mirnes Fehrić, fizika 3. Mjesto



Takmičenja 7

XVII JUNIORSKA MATEMATIČKA OLIMPIJADA BOSNE I HERCEGOVINE

U prostorijama JU OŠ „Jovan Cvijić“ u Banjoj Luci održana je XVII juniorska matematička olimpijada Bosne i Hercegovine. Učenik naše škole, Mirnes Fehrić osvojio je 8.mjesto i bronzanu medalju na ovom prestižnom takmičenju. Čestitke od srca učeniku i nastavniku za ostvareni rezultat.



Bravo, Mirnese!

Ljepota je u oku posmatrača



Šetkić Kanita IX 2



Kolar Sajra IX 4



Duraković Kaima VII 3



Hamidović Nedžma VI 4



Čorbo Ismail VI 3

RAZVOJ NOVINARSTVA U SVIJETU

Novinarstvo- organizovana aktivnost javnih komunikacija vezanih za novine i druga sredstva masovne komunikacije - televizija, radio i internet. Savremeno novinarstvo se razvilo zbog potreba za informacijama koje prevazilaze lokalne okvire. Novinarstvo nije samo znak industrijalizacije, modernizacije, urbanizacije i globalizacije, već i njihov inicijator.

Počeci novinarstva vezani su za novine, zajedno sa osnivanjem štamparske mašine i razvojem civilnog društva. Ali prve kreacije sejavljaju u davna vremena, u vreme Julija Cezara, kada su *Acta diurnal pop pevci* obavještavali Rimljane o važnim događajima, odlukama, ratovima, državnim promocijama, igrama i festivalima.

Preteča novina, kao što su sporadično štampani bilteni i brošure sa vijestima o ratovima, viteškim turnirima, borbama s Turcima i otkrićima novih zemalja, pojavljuju se u 16. vijeku u Njemačkoj. Prva takva publikacija bila je *Messrelationen*, koja je došla u Keln krajem 16. Vijeka.

U istoriji novina *Venecija* je imala svoju ulogu, tako da je u šesnaestom vijeku organizovana prodaja političkih i trgovinskih informacija, prvo pisanih rukom, a zatim štampanih, prodatih za posebni novčić *gazzetu*.

U 18.vijeku novine dobivaju neka svoja današnja obilježja: stalnost izlaska i novinske forme (vijesti, načelne članke, ilustracije).

Novinarstvu u Evropi osobit zamah daje *Francuska revolucija*. Tada novine udovoljavaju povećanom zanimanju za političkim informacijama, ali i same "proizvode politiku". Napoleonova vlast dopušta slobodno pisanje samo onim novinama koje podržavaju režim, a takvo će ponašanje ostati osobinom mnogih vlasti do danas.

U 19. vijeku štampanje i izdavanje novina postaje svojevrsna industrija za koju vrijede iste ekonomске zakonitosti kao i za druge privredne djelatnosti. Kao posljedica shvaćanja važnosti novina i njihova utjecaja, te mogućnosti zarade, dolazi do stvaranja moćnih novinskih koncerna. Posebno je moćan konkern s dvadesetak dnevnih i tjednih listova (*Daily Mail*, *Times*, *Daily Express*, *Evening News*, *Daily Mirror...*) u Velikoj Britaniji koji je stvorio lord Nortchcliffe.

Turnir u znak sjećanja na poginulu djecu naše MZ

Povodom sjećanja na dvadeset petero djece ubijene tokom agresije na Bosnu i Hercegovinu od 1992-1995. godine sa područja Mjesne zajednice „Ali-pašin most 1“ danas je na sportskom igralištu u Potur Šahidijinoj ulici na Vitkovcu održan malonogometni turnir.

U znak sjećanja na ubijenu djecu, na spomen-obilježju na kojem su ispisana njihova imena, izgrađenom u njihovu čast, prije samog otvaranja turnira položeno je cvijeće i proučena Fatiha ubijenim djevojčicama i dječacima.

Upravo na igralištu pored spomen-obilježja okupio se danas veliki broj djece i omladine, kako bi odali počast nevino ubijenoj mladosti, a u njihovu čast i sjećanje na njih odigrane su nogometne utakmice. Nastupile su četiri ekipe u kojima su učestvovali učenici osnovnih škola „Umihana Čuvidina“ i „Sokolje“, kao i članovi Omladinskog kluba „Biser“ i FK „Selekt“, a pored učesnika turnira, utakmice je bodrio veliki broj učenika drugih novogradskih škola i njihovih roditelja, te predstavnika sportskih klubova.

Učenici naše škole osvojili su 2.mjesto.





Peljto Adna IX 3